

Bonus energia - KVV: La Provinzia ti dá a families y porsones sores n contribut de 500 € por daidè paié l'energia eletrica. Chësc "bonus" ciafa i residënc che á na boleta dl'energia eletrica a so inom y che á n davagn (ISEE) sot a 40.000 €. An pó fá domanda cina ala fin de merz 2023, mo al vëgn aconsié da prenoté bele atira n apuntamënt dal KVV 0471 080 730, (ince online www.mycaf.eu da jená inant) o da jí da n ater patronat.

PLOANIES SAN MARTIN Y LUNGIARÜ

Les comunités dles Ploanies da Lungiarü y da San Martin ti aoda a siur Heinrich y a siur Klaus n tëmp da Nadé de ligrëza y de pesc. N gran dilan por le bun sorvisc y dotes les bries.

Aziun da Nadé por daidè la jënt dla Ucraina: Les Uniuns di Seniors de nosc comun mët a desposiziun tles dljies scatores de cartun da ciarié ite y dé jö en sabeda, ai 31 de dezëmber, dales 9 ales 12 tles colonies da San Martin, Lungiarü y Antermëia. Bel dilan a chi che fej imparà!

SAN MARTIN

Da sëra na spazirada a San Martin ite en chi Pinis "do le tru incuntra a Nadé" - Calënder d'Advënt, arjigné ca dala Uniun dles Ères, olach'al vëgn metü vigni sëra lapró n dessëgn di mituns da scora cun na picia löm; cina ai 6 de jená.

LUNGIARÜ

Incö domënia, 18 de dezëmber, recordunse tla mëssa i 50 agn dl consëi de cöra. Düc chi che é stá n iade o deplü iadi tl consëi de cöra te döt chësc tëmp é bel invia da tó pert ala mëssa de dilan .

le Consëi de cöra

En recordanza dla defunta Berta Clara Mischì é gnü fat ofertes por la dljia da Edo Clara y en recordanza dl defunt Fonjo Clara é gnü fat ofertes por la dljia dai nus y dales nëzes dl Planacer.

La Scora de Musiga tëgn n "**concert da Nadé**" en mercui ai **21 de dezëmber** dales **18.00** tla dljia de **Badia**. Al cianta y sona les scolares y i scolars dla Scora de Musiga dla Val Badia. Düc é dër bel invia da gní a ascuté sö.

A DÜC N BUN NADÉ



unitepastorala.org

Plata dles Ploanies San Martin y Lungiarü



ploan siur Klaus Sottas **344 15 54 055** - ksottas@rolmail.net
curat siur Heinrich Perathoner **339 65 74 213**
daziun: anton.gasser@rolmail.net - 348 27 44 517 / 0474 523 194

18.12.- 25.12.22 n. 04

ultimo termo por comunicaziuns: jöbia, dales 20.00

CUARTA DOMÈNIA D'ADVÈNT - ANN A

Vangele do Matî 1,18-24

Cun le nadè de Gejù Crist éra stada insciö:
Maria, süa uma, ê nücia impormetüda a Ujöp; ciamò denanch'ai rovass adöm, s'ära portè pro ch'ara aspetâ n môt – por opra dl Spirit Sant.
Ujöp, so om, che ê iüst y che n'orô nia la descredité, s'â tut dant de se despartì adascusc da d'ëra. Ciamò tratan ch'al ponsâ sura, ti él comparì n agno dl Signur y à dit: Ujöp, fi de Davide, no te temëi da tó pro tè Maria por fomena; deache le môt ch'ara aspeta é dal Spirit Sant. Ara metarà al monn n môt; a chësc desste ti mëte inom Gejù;
deach'al salvarà so popul da sü picia.
Döt chësc é sozedü, por ch'al s'adempliss ci che Idî à dit tres le profet: Cïarede, la viria conzepiarà, y metarà al monn n fi, y an ti metarà inom Imànuel, che ô dî: Dî cun nos. Canche Ujöp s'à descedè, àl fat, ci che l'agno dl Signur l'à comanè, y à tut süa fomena pro d'ël.



Se mëte a desposiziun dl dessëgn de Chël Bel Dî:

*Coche Ojöp â tut sö döt chësc podunse ma s'imaginé.
Ojöp messâ ester n ël sterch. Al é sté bun da mëte da na pert sü proiec y da se mëte deplëgn a desposiziun dl dessëgn de Chël Bel Dî.
Ince la storia dla Dljia cun sües perts lominoses y scöres é storia dla salvëza. Ince te ëra operëia le Spirit de Dî, dantadöt canche jënt ne sá nia plü co inant. Dessigü operëia le Spirit ince incö te porsones amesa la vita da vigni de, che n'é nia cotan atramënter co Ojöp inlaota.
Cun so sorvisc tl chît dâres testimonianza por Imanuel - Idî cun nos.
Ares vá inant chitamënter sciöch'ares é gnüdes.
Mo ares operëia inant - zënza fá gran sciosciüre.*

dal Sonntagsblatt

EDEMA	SAN MARTIN	LUNGIARÜ	
8.12.22 4ª DOMÈNIA D'ADVÈNT - ann A	9.30 Corona 10.00 Gran Mëssa por la Comunità Rorate por la Uniun dles Patrones dl comun Rorate por la Uniun Guant da zacan por families de Paul Sorà, Pespach de ringraziament por na familia	7.50 Corona 8.15 Gran Mëssa por la Comunità de rengr. por dotes les porsones che á fat pert dl Consèi de cöra te chisc 50 agn	 Nosc cör n'á degöna tria deache tö nes chërdes. I chirium y damanun ... Tö nes baies ados ... Te nes mines propri nos ... Te nes as crëta ... Te ghires da nos ... Te nes accompagnëies ... Te nes toles söl sciode ... Te nes as chirí fora ... Te nes das la grazia ... Te nes adores ... I se sintiun malsigüsc ... I sun tü discepui ... I sun tües scolares y tü scholars ... I sun tü amisc ... I chirium la conferta cun te ... I chirium tüa vijinanza ... I te chirium ... I orun vire cun te ... I orun te gní do ... I orun s'orienté do te ... I orun imparé da te ... <i>Paul Weismantel</i>
19.12.22 Lönesc <i>Susanna, Beniamin</i>			
20.12.22 Dedolönesc <i>Heinrich, Regina</i>	8.00 Mëssa / Rorate di scholars por familia Franca y Ivan Sorà + Hans Pescoller + Anna Glira Alfreider, Calfosch		
21.12.22 Dedemesaledema <i>Pire, Richard</i>		7.45 Mëssa / Rorate cun i scholars por familia Franz Schanung, Caizer + Rita Zingerle y Giovanni Clara	
22.12.22 Jöbia <i>Iuta, Marian</i>	7.30 Mëssa / Rorate por families Gottfried Miribung, Mirbun) dl ann + Isidoro Verginer + + Pedevilla, dl Pidila + + + Arcangel, Nane, Monica Zingerle Corona por vocaziuns	19.00 Funziun penitenziala	
23.12.22 Vëndres <i>Jan da Cracau, Ivo</i>	18.30 Adoraziun chîta 19.00 Adoraziun deboriada	19.00 Mëssa/Rorate Rorate por la Uniun dl Cor de dljia por fam. Tini y Dorina Clara + + Kathi y Johann Tatz + Berta Clara Mischi (dla Uniun)	
24.12.22 Sabeda VËIA DE NADÉ <i>Adam y Eva</i>	16.00 Funziun da Nadé por mituns/ans y families cun le cor di mituns che cianta 22.00 Mëssa solëna de Madovines por la comunità	20.00 Mëssa solëna de Madovines por la comunità	
18.12.22 Domènia NADÉ DL SIGNUR NATALE CHRISTTAG	<i>degöna Corona</i> 10.00 Mëssa solëna por la Comunità + siur Franz Sottara 18.00 Öspi da Nadé cun Cor y Comunità	7.50 Corona 8.15 Mëssa solëna de nosc Signur por la comunità 14.30 Öspi da Nadé cun Cor y Comunità	